

BOSNA I HERCEGOVINA
FEDERACIJA BOSNE I HERCEGOVINE
ZENIČKO - DOBOJSKI KANTON
KANTONALNO TUŽILAŠTVO
ZENIČKO - DOBOJSKOG KANTONA

Broj: T04 0 KT 0056629 24
Zenica, 14.05.2026. godine

OPĆINSKOM SUDU U ZENICI
- Sudiji za prethodno saslušanje -

Na osnovu člana 45. stav 2. tačka h) u vezi sa članom 350., člana 241. stav 1.
Zakona o krivičnom postupku Federacije Bosne i Hercegovine (ZKP F BiH),
p o d i ž e m

OPTUŽNICU

Protiv:

Dž. B., ...,

da je:

dana 24.12.2023. godine, oko 18,30 sati, na području grada Zenica, u mjestu ..., upravljajući putničkim vozilom marke „...“, reg. oznaka ..., iz nehata, kao učesnik u saobraćaju na putevima ne pridržavajući se saobraćajnih propisa time tako ugrozila javni saobraćaj da je dovela u opasnost život ljudi uslijed čega su prouzrokovane teške tjelesne povrede kod dvije osobe,

na način da je, krećući se regionalnim putem R-441 „Zenica - Vjetrenice“, iz smjera Zenice prema Vjetrenicama, u neposrednoj blizini stambenog objekta koji se nalazi u ulici ... kod broja ..., vozila neoprezno i nedovoljno pažljivo jer je propustila da se kreće vozilom desnom stranom kolovoza u smjeru kretanja, svjesna da zbog toga može nastupiti zabranjena posljedica i da tako može ugroziti sigurnost javnog saobraćaja, ali je olako držala da ona neće nastupiti ili da će je moći spriječiti,

pa je postupajući suprotno odredbama iz člana 39. stav 1. Zakona o osnovama bezbjednosti saobraćaja na putevima BiH, vozeći tako dolaskom u mjesto ... ušla u zavoj desnog usmjerenja te pri izlasku iz zavoja nije držala svoje vozilo bliže desnoj ivici kolovoza, nego je kompletnim gabaritima vozila prešla u saobraćajnu traku namijenjenu kretanju vozila iz suprotnog smjera, gdje je na središnjem dijelu lijeve saobraćajne trake, odnosno na udaljenosti od 1,62 m od razdjelne linije, došlo do kontakta prednjeg dijela vozila „...“ kojim je upravljala Dž. sa prednjim dijelom vozila „...“ reg. oznaka ... kojim je upravljao M. A. dok se na mjestu suvozača nalazila njegova supruga A. P. - A., koje vozilo se kretalo svojom saobraćajnom trakom,

na koji opisani način je ugrozila bezbjednost saobraćaja jer je vozilom prešla na lijevu saobraćajnu traku namijenjenu za kretanje vozila iz suprotnog smjera i ostvarila

kontakt sa drugim vozilom, kojom prilikom su dvije osobe u vozilu „...“ vozač M. A. i suvozač A.P. - A. zadobili teške tjelesne povrede konstatovane u KB Zenica, i to M. u vidu prijeloma glavice lijeve palčane kosti sa iščašenjem glavice palčane kosti i prijeloma lakatne kosti lijevo, a A. u vidu prijeloma desne skafodne (čunaste) kosti desne šake - kos u obliku čamca ili čunja desnog ručja i nagnječenje grudne kosti,

dakle, iz nehata, kao učesnica u saobraćaju na putevima ne pridržavajući se saobraćajnih propisa time tako ugrozila javni saobraćaj da je dovela u opasnost život ljudi uslijed čega je prouzrokovana teška tjelesna povreda kod dvije osobe,

čime bi počinila krivično djelo „Teška krivična djela protiv sigurnosti javnog saobraćaja“ iz člana 336. stav 3. u vezi člana 332. stav 3. u vezi sa stavom 1. Krivičnog zakona Federacije Bosne i Hercegovine (KZ F BiH).